

შ.პ.ს „საქართველოს ლატარიის კომპანია“

გამარტივებული ელექტრონული ტენდერის საშუალებით
შ.პ.ს „საქართველოს ლატარიის კომპანია“-ს სერვის ცენტრის შიდა
სარემონტო სამუშაოების შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის
და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის
ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07
აპრილის #9 ბრძანების საფუძველზე

ქ. თბილისი

2013 წ.

შესყიდვის ობიექტი

შესყიდვის ობიექტია: შ.პ.ს „საქართველოს ლატარიის კომპანია“-ს სერვის ცენტრის შიდა სარემონტო სამუშაოების შესყიდვა.

შესასრულებელი სამუშაოს მოცულობა მოცემულია ხარჯთაღრიცხვაში (დანართი #1).

სამუშაოს შესრულების ადგილია: ქ. თბილისი, აკაკი შანიძის #2/მელიქიშვილის გამზ.#16.

1. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

- საბანკო რეკვიზიტები, ხელმძღვანელობაზე/წარმომადგენლობაზე უფლებამოსილი პირის სახელი და გვარი;
- ხარჯთაღრიცხვა - დანართი #1-ის მიხედვით;
- ინფორმაცია გამოცდილების შესახებ. პრეტენდენტს უნდა გააჩნდეს ანალოგიური სამუშაოების შესრულების არანაკლებ 3 (სამი) წლიანი გამოცდილება.

2. სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის ქვეპუნქტებში განსაზღვრულ მოთხოვნებზე:

- სატენდერო წინადადების ფასი წარმოდგენილი უნდა იქნას დღგ-ს გარეშე (იმის მიუხედავად არის თუ არა პრეტენდენტი დღგ-ს გადამხდელად რეგისტრირებული). გამარჯვებულ პრეტენდენტთან ხელშეკრულების დადებისას, ხელშეკრულების ღირებულებაში დამატებით იქნება გათვალისწინებული დღგ-ს ოდენობა, თუ ხელშეკრულების დადების მომენტისათვის გამარჯვებული პრეტენდენტი არის დღგ-ს გადამხდელად რეგისტრირებული საქართველოს კანონმდებლობის მოთხოვნათა შესაბამისად - თანახმად "გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის" მე-10 მუხლის მე-5 პუნქტისა.
- ანგარიშსწორება მოხდება უნაღდო ანგარიშსწორებით ეროვნულ ვალუტაში მიღება-ჩაბარების აქტის გაფორმებიდან 10 (ათი) კალენდარული დღის განმავლობაში;
- მიღება-ჩაბარების აქტის გაფორმება ხდება მიმწოდებლის მიერ ფაქტიურად გაწეული სამუშაოს შესაბამისად წარმოდგენილი სამუშაოთა შესრულების ფორმა #2-ის საფუძველზე;
- სამუშაო უნდა დასრულდეს ხელშეკრულების გაფორმებიდან 30 (ოცდაათი) კალენდარული დღის განმავლობაში;
- შესრულებული სამუშაო უნდა იყოს ხარისხიანი და მიმწოდებლის მხრიდან სამუშაოზე უნდა გავრცელდეს საგარანტიო ვადა მიღება-ჩაბარების აქტის გაფორმებიდან 2 (ორი) წელი;
- პრეტენდენტის მიერ წარდგენილი წინადადება ძალაშია სახელმწიფო შესყიდვების სააგენტოს თავმჯდომარის 2011 წლის 07 აპრილის #9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის I პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე;
- ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება მინიმუმ 120 (ასოცი) კალენდარული დღით, ტენდერისათვის სტატუსის - „წინადადების მიღება დაწყებულია“ მინიჭების ეტაპიდან;
- წინასწარი გადახდის მექანიზმი არ გამოიყენება;
- პრეტენდენტს არ აქვს უფლება წარმოადგინოს ალტერნატიული წინადადება;
- პრეტენდენტის მიერ წარმოდგენილი სატენდერო დოკუმენტაცია ხელმოწერილი უნდა იყოს უფლებამოსილი პირის მიერ;
- გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ვაჭრობის შედეგად დაფიქსირებული საბოლოო ფასის (ასეთის არსებობის შემთხვევაში) შესაბამისი დანართი #1, რომელიც წარმოადგენს ხელშეკრულების განუყოფელ ნაწილს.

3. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:

სატენდერო კომისიის აპარატის წევრი: მაია კუჭაშვილი, ტელ: 577 629149.

ხელშეკრულება № (პროექტი)
სახელმწიფო შესყიდვების შესახებ

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

_____ 2013წ.

ერთი მხრივ, შ.პ.ს „საქართველოს ლატარიის კომპანია“ (შემდგომში - „შემსყიდველი“), წარმოდგენილი მისი გენერალური დირექტორის ლევან ჩიკვაიძის სახით და მეორე მხრივ, _____ (შემდგომში - „მიმწოდებელი“), წარმოდგენილი მისი _____ სახით, კანონის „სახელმწიფო შესყიდვების შესახებ“ და „მიმწოდებლის“ სატენდერო წინადადების საფუძველზე, №SPA _____ გამარტივებული ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში - ხელშეკრულება) – „შემსყიდველსა“ და „მიმწოდებელს“ შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს „შემსყიდველმა“ „მიმწოდებლის“ მიერ ხელშეკრულებით ნაკისრი ვალდებულებების სრულად და ჯეროვნად შესრულებისათვის;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს საქონის/მომსახურების მიწოდებას ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „სამუშაო“ - ხელშეკრულების მე-2 მუხლით გათვალისწინებული შესყიდვის ობიექტი;
- 1.7. „ტექნიკური დავალება“ - სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1 შესყიდვის ობიექტს წარმოადგენს: შ.პ.ს „საქართველოს ლატარიის კომპანია“-ს სერვის ცენტრის შიდა სარემონტო სამუშაოების შესყიდვა (CPV45400000);
- 2.2 შესყიდვის ობიექტის დასახელება, დეტალური აღწერა და პირობები მოცემულია ტექნიკურ დავალებაში, რომელიც დაერთვის ხელშეკრულებას და მის განუყოფელ ნაწილს წარმოადგენს.

3. ხელშეკრულების ღირებულება

- 3.1 ხელშეკრულების ღირებულება შეადგენს _____ ლარს;
- 3.2 ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი, რომლის გადახდა ეკისრება „მიმწოდებელს“.

4. მიღება-ჩაბარების წესი

- 4.1 „შემსყიდველის“ მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს _____;
- 4.2 სამუშაო ჩაითვლება შესრულებულად მიღება-ჩაბარების აქტის გაფორმების შემდეგ;
- 4.3 მიღება-ჩაბარების აქტის გაფორმება ხდება „მიმწოდებლის“ მიერ წარმოდგენილი სამუშაოთა შესრულების ფორმა №2-ის საფუძველზე.

5. ანგარიშსწორების ფორმა და ვადები

- 5.1 „მიმწოდებელთან“ ანგარიშსწორება განხორციელდება უნაღდო ანგარიშსწორებით ეროვნულ ვალუტაში;

5.2 „მიმწოდებელთან“ ანგარიშსწორება იწარმოებს მიღება-ჩაბარების აქტის გაფორმებიდან 10 (ათი) კალენდარული დღის განმავლობაში.

6. მხარეთა უფლება-ვალდებულებები

6.1 „მიმწოდებელს“ უფლება აქვს:

6.1.1 მოსთხოვოს „შემსყიდველს“ მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად;

6.2 „შემსყიდველს“ უფლება აქვს:

6.2.1 შეამოწმოს შესყიდვის ობიექტის მახასიათებლების შესაბამისობა ხელშეკრულებით გათვალისწინებულ პირობებთან;

6.2.2 რაიმე ნაკლის აღმოჩენის შემთხვევაში, აცნობოს და მოსთხოვოს „მიმწოდებელს“ ნაკლის დაუყოვნებლივ გამოსწორება;

6.2.3 მოითხოვოს „მიმწოდებლისგან“ ხელშეკრულების ჯეროვანი, დროული და კეთილსინდისიერი შესრულება;

6.3 „მიმწოდებელი“ ვალდებულია:

6.3.1 უზრუნველყოს ხელშეკრულების პირობების შესრულება;

6.3.2 „შემსყიდველს“ მიაწოდოს ხარისხიანი შესყიდვის ობიექტი, რომელიც არ გამოავლენს დეფექტებს;

6.3.3 შესყიდვის ობიექტის მიწოდების პროცესში არსებული შეფერხების შესახებ აცნობოს „შემსყიდველს“;

6.4 „შემსყიდველი“ ვალდებულია:

6.4.1 განახორციელოს „მიმწოდებელთან“ ანგარიშსწორება ხელშეკრულებით გათვალისწინებული პირობების შესაბამისად;

6.4.2 დაიცვას ხელშეკრულებით გათვალისწინებული პირობები.

7. სამუშაოს შესრულების პირობები, ადგილი და ვადა

7.1 სამუშაოს შესრულების ადგილია:_____;

7.2 სამუშაოს შესრულება ხორციელდება წინამდებარე ხელშეკრულების დანართში მოცემული ხარჯთაღრიცხვის მიხედვით;

7.3 „მიმწოდებელი“ ვალდებულია სამუშაო დაასრულოს _____;

7.4 „მიმწოდებელი“ ვალდებულია ამ ხელშეკრულებით გათვალისწინებული სამუშაოები სრული მოცულობით შეასრულოს სამშენებლო ნორმებისა და წესების დაცვით.

8. გარანტია

„მიმწოდებელი“ ვალდებულია საკუთარი ხარჯებით გამოასწოროს მიღება-ჩაბარების აქტის გაფორმების შემდეგ 2 (ორი) წლის განმავლობაში „შემსყიდველის“ მიერ აღმოჩენილი ნაკლი, რომელიც გამოვლინდება „მიმწოდებლის“ მიერ შესრულებულ სამუშაოზე. ნაკლის აღმოფხვრის სამუშაოების განხორციელება „მიმწოდებელმა“ უნდა დაიწყოს შეტყობინების მიღებიდან არაუგვიანეს 2 (ორი) სამუშაო დღისა, ხოლო თუ ასეთი სამუშაოების დაწყება შეუძლებელია 3 (სამი) კალენდარული დღის განმავლობაში, მაშინ „მიმწოდებელმა“ წერილობით უნდა შეუთანხმოს „შემსყიდველს“ ასეთი სამუშაოების დაწყების და დასრულების ვადები, რომელიც არ უნდა სცილდებოდეს გონივრულ ვადებს.

9. პირგასამტეხლო ხელშეკრულების პირობების შეუსრულებლობისათვის

9.1 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მხარეს ეკისრება პირგასამტეხლო ხელშეკრულების ღირებულების 1 %-ის ოდენობით ყოველ ვადაგადაცილებულ დღეზე;

9.2 საჯარიმო სანქციების გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან „შემსყიდველისათვის“ უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;

10.2 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად;

- 10.3 საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით;
- 10.4 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;
- 10.5 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია წერილობით შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი გადაწყვეტილების ძალაში შესვლამდე მინიმუმ 5 (ხუთი) კალენდრული დღით ადრე;
- 10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12. სადავო საკითხების გადაწყვეტა

- 12.1 „შემსყიდველმა“ და „მიმწოდებელმა“ ხელშეკრულების ან მასთან დაკავშირებული გარემოებების ირგვლივწარმოშობილი ყველა უთანხმოება და დავა უნდა მოაგვარონ მოლაპარაკების გზით;
- 12.2 მხარეებს, სადავო საკითხის შეთანხმების გზით მოგვარების შეუძლებლობის შემთხვევაში, კანონმდებლობით დადგენილი წესით შეუძლიათ მიმართონ სასამართლოს.

13. ხელშეკრულების მოქმედების ვადა

- 13.1. წინამდებარე ხელშეკრულების მოქმედების ვადა განისაზღვრება ხელშეკრულების გაფორმების მომენტიდან _____;
- 13.2. ხელშეკრულების მე-8 მუხლი მოქმედებს _____.

14. ხელშეკრულების ენა

ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე.

15. განსაკუთრებული პირობები

ხელშეკრულება შედგენილია თანაბარი იურიდიული ძალის მქონე 3 (სამ) ეგზემპლარად, რომელთაგან 2 (ორი) ეგზემპლარი რჩება „შემსყიდველთან“ და 1 (ერთი) - „მიმწოდებელთან“.

მხარეთა რეკვიზიტები:

„შემსყიდველი“

„მიმწოდებელი“

შ.პ.ს „საქართველოს ლატარიის კომპანია“

მის: ქ. თბილისი, ჭავჭავაძის გამზ. #34

ს/კ 204568208

ბანკი: სს „ლიბერთი ბანკი“

ბანკის კოდი: LBRTGE22

ა/ა GE28LB0113121375356003

ლევან ჩიკვაძე

ხარჯთაღრიცხვა

ობიექტის დასახელება: **შპს „საქართველოს ლატარიის კომპანია“-ს ოფისის შიდა სარემონტო სამუშაოები**

№	სამუშაოების დასახელება	ბანზ.ერთ	რაოდენობა	მასალები		ხელფასი		ჯამი
				ერთეული	სულ	ერთეული	სულ	
1	2	3	4	5	6	7	8	9
1	მინის ტიხრის დემონტაჟი	მ²	10					
2	კლინტუსების დემონტაჟი	ბ/მ	135					
3	მღვ-ის კარების დემონტაჟი	ცალი	1					
4	კარებზე რკინის ბისოსის დემონტაჟი	ცალი	1					
5	მინის სარკმლის დემონტაჟი	ცალი	1					
6	რბილი იატაკის დემონტაჟი	მ²	65.3					
7	სან-კვანძებში უნიტასის დემონტაჟი	ცალი	2					
8	სან-კვანძებში ხელსაბანის და ონკანების დემონტაჟი	ცალი	2					
9	მისაღებში მაგიდის დემონტაჟი	ბ/მ	9					
10	ანტრესოლის უზბლის დემონტაჟი	მ²	3.5					
11	სანათების დემონტაჟი	ცალი	20					
12	ოთახებში მაგიდების დემონტაჟი	ბ/მ	5					
13	მღვ-ის კარებზე საკეტების დემონტაჟი	ცალი	7					
14	მღვ-ის კარადის დემონტაჟი	ცალი	1					
15	ნათურების დემონტაჟი	ცალი	22					
16	არსებული კონუსური სანათების დემონტაჟი	ცალი	5					
	2.მოსაპირკეთებელი სამუშაოები							
1	კედლებზე თაბაშირ-მუქაოს ფილების გაკვრა თავის კარკასით	მ²	20					
2	კედლების და ჭერის დაგეგმვა ფითხით და შეღებვა თეთრი ფერის მაღალი ხარისხის საღებავით	მ²	620					
3	კარების შეღებვა მაღალი ხარისხის თეთრი ფერის მეტალის საღებავით (7 ცალი)	მ²	13					
4	კონსტრუქციების შეღებვა მაღალი ხარისხის თეთრი ფერის მეტალის საღებავით	მ²	150					

5		მ²	65.3					
6	თეთრი ფერის კაბელ-არხიანი კლინტუსების მოწყობა	ზ/მ	135					
7	სან-კვანკეში უნიტაზების მოწყობა	ცალი	2					
8	სან-კვანკეში ხელსაბანების და ონკანების მოწყობა	ცალი	2					
9	მისაღებში თეთრი ფერის ლამინირებული მაბილის მოწყობა (სიგანე 50სმ)	ზ/მ	6					
10	სანათი №1	ცალი	2					
11	სანათი №2	ცალი	8					
12	სანათი №3	ცალი	7					
13	ნათურების მონტაჟი	ცალი	22					
14	მისაღებში დეკორატიული სანათების მონტაჟი	ცალი	5					
15	მისაღებში ბრანდის იატაკის მოხვეწა- მოპრიალება	მ²	40					
16	მღვ- კარებზე საკეტების მონტაჟი	ცალი	7					
17	მისაღებში მარმარილოს ფილის კოლირება	ზ/მ	6					
	ჯამი							
	ზედნაღები ხარჯები	%						
	ჯამი							
	გეგმიური დაგროვება	%						
	ჯამი							
	ბაუთვალისწინებული ხარჯები	%	5					
	ჯამი							

შენიშვნა: სატენდერო წინადადების ფასი უნდა იყოს საბოლოო და ითვალისწინებდეს მასალების ღირებულებას, შრომით დანახარჯებს და სამუშაოების შესრულებასთან დაკავშირებული კონტრაქტორის ყველა ხარჯს (დღგ-ს გარდა), მათ შორის გაუთვალისწინებელ ხარჯებს.

პრეტენდენტის დასახელება -----

ორგანიზაციის ხელმძღვანელის/უფლებამოსილი პირის ხელისმოწერა -----

ბეჭედი -----